



18. januar 2023

Inatsisartut ingerlatsinermut maleruagassaanni § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

1. **Arnat namminersortut suliffeqarfiuteqartut erninermi sulinngiffeqartarnermut maleruagassaat allangortinnissaannut Naalackersuisut suliniuteqassallutik pilersaaruteqarpat?**
 - a. **Taamaappat suliniutit suut aammalu piffissaq qanoq sivisutigisoq ingerlanneqassanersoq paaserusuppara.**
2. **Arnat namminersorlutik suliffiuteqartut erninermi sulinngiffeqarsinnaanissamut pisinnaatitaaffeqannginneri pillugit Naalackersuisut suut iluaqutissartaatut isigaat?**
3. **Arnat namminersorlutik suliffiuteqartut arnat allat atugaat assigalugit erninermi sulinngiffeqarsinnaatitaannginnerat Naalackersuisut isumaqarnerlutik naligiissitaaneq pillugu pissusissamisoornersoq?**
4. **Arnat namminersorlutik suliffeqarfiuteqartut arnat allat atugaat assigalugit (killigititap sapaatit akunneri sisamat sioqqullugu aammalu killigititap sapaatit akunneri 15-nit qaangiunnissaanut) erninermi sulinngiffeqarnissamut pisinnaatitaaffeqalissappata, pisortanut aningaasatigut allaffissornikkullu suut kingunissarai?**
5. **Pineqartumut Naalackersuisut allanik paasissutissiisinnaanerlutik?**
(Inatsisartunut ilaasortaq Jens-Frederik Nielsen, Demokraatit)

Tunngavilersuut

Arnatut kisimiilluni namminersortutut suliffeqarfiuteqaraanni erninermi sulinngiffeqarsinnaanermut maleruagassat ataatsimut isigalugit pitsaanngippallaaqaat. Ullumikkummi arnatut namminersorluni inuussutissarsiuteqaraanni anaanangoraanni marlunnik toqqagassaqaassaaq.

Toqqagassaq siulleq nuunuutitaaqqammeraanni paarsiutigaluni suliinnartariaqassaaq, pisortanit ataatsimilluunniit aningaasarsiaqarani. Isumaqatigiissutigisinnaagunarpaput pissusissamisuunngitsoq.

Toqqagassap aappaa suliffeqarfik matuinnartariaqassaaq, erninermilu sulinngiffeqarnermi ullormut pissarsissutigineqartussani annikinnerpaaffilerneqarsimasunik pissarsiaqalerlutit. Tamannalu aamma pissusissamisuunngilaq.

Taamaattumik ajornartorsiummut Naalackersuisut isumaat aammalu Naalackersuisut tungaanniit suliaqartoqarnissaanik aallartittoqareersimanersoq paasissallugu soqutiginarlippara.

Apeqqutit ullut qulit suliffiusut iluanni akineqareersimanissaat kissaatigaara.